



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**D. Haymo-//nis Episcopi Hal-//berstattensis De  
Chri//stianarum rerum memoria li-//bri decem**

**Haimo <Halberstadensis>**

**Coloniae, 1531**

**VD16 H 224**

De morte maximini & persecutione Maximini eius collegae. Cap. III.

**urn:nbn:de:hbz:466:1-29805**

## RERVM MEMO. LIB. VIII.

Quibus ignes, laminas, cruces, & singulis mēbris specialia infert supplicia. Igitur decem annis huius persecutionis deuolutis, adest iterum diuina prouidentia nostris, & quos per ignem probauerat, educit ad refrigerium. Nam diuina correptus ultione idem Maximinus, subito inflatus visceribus distēditur, putrefactisq; postmodum vulneribus vermes ebullit, fœtorēque intolerabilem exhalat.

H A Y M O.

Caput III.

**R**E diuinum quodāmodo per similem morbū habemus nunc Herodem. Ille quia Christum persequit, pubertenus inflatus scatet vermibus: & iste probroso eodem laborat exitu, quia psequitur Christianos. Actū siquidē pulchro diuine cōsiderationis intuitu, vt daretur intelligi, quāta sit capitis & mēbrorū connexio, quāta & quāam indiuisa sit Chri charitas, zelus ad ecclesiā, dum eādē infert vindictam persecutoribus suorū, quam sui ipsius persecutori. Itaque cum iam desperaretur à medicis, sera ductus poenitentia Maximinus, legem scribit, vt cesset persecutio Christianorū, & redificentur ecclesie. Tunc velut sole terris reddito, relaxantur omnes vincti: & qui damnati erant per metalla, reuehuntur, instaurantur ecclesie, sacerdotia reparantur, stupentibus gentilibus turmis de tanta & tam subita rerum mutatione. Sed hanc pacem redditam nostris, Seuerus Maximinus præfati Maximini collega, in orientis partibus atq; Aegypto tyrannidem exercens, statim post sex menses perturbat. Rursum aduersus nostros persecutio

## HAYMO DE CHRISTIA.

instauratur, concitantur simulacrorum pontifices in odia & necem Christianorū. Quod ut aliqua iusta ratione videatur fieri, confinguntur acta quedam velut apud Pilatum de saluatore nostro habita, in quibus aduersus Christum omnis blasphemia conscribitur. Tūcrursus apud Tyrum & Phœnicē multi martyres agonizant, & per multa alia loca. Addit quoq; praefatus Seuerus Maximinus impietati suae, q̄ aduersum nostros leges aëreis tabulis scribit, tanquam in aeternū mansuras, in quibus impie & superbe commemorat, quod ex Christianorū persecutione esset temperies, & terra fecunditas abundantior. Sed his superbis legibus statim contradicitur à deo, & res vertuntur in contrarium, & pro ipsa nostrorum persecutione mox restricto imbribus cælo, & facta intolerabili ariditate, fames ibi dira grassatur, aëris quoque temperies in tā tam vertitur corruptionē, ut humana corpora pessimis vlceribus intumescant, quæ ignis sacer appellantur. Igitur duæ validissimæ pestes & lues populum deuastant, cum tamen (quod mirabile) nec fames in aliquo, nec lues nostris dominaretur. Vnde postmodum ab omnibus Christiana religio vera & perfecta esse in clamatur, petiturq; à nostris subsidium alimonie & orationis. Addit quoq; deus Maximino hanc iusta retributione confusionem, rebellant & Armeni prius amici Romanorum, propter nefaria eius dicta. Quorum in bello & ipse turpiter fugatur, & exercitus interiit ense. Tunc sacerdotes deorum suorum & diuinos, quorum responsis bella mouerat, interfici iubet tanquam fallaces, qui & demum vehementi a-

RERVM MEMO. LIB. VIII.

gritudine & doloribus internorum viscerum correpius, amissis quoque morbo luminibus, & tunc magis quid aduersus Christum commiserit videns, viuendi finem facit, lata prius lege pro liberatione Christianorum.

DE CONSTANTINO imperatore.

Caput IIII.

**P**er idem tempus exoritur Constantinus religiosissimus imperator, Constantij æque moderatissimi principis, de quo Paulo ante memorauimus, filius & hæres, Romanum obrinet imperium. Hic in obseruantia religionis omnes ante se imperatores exuperat. Hic vltimis persecutionum temporibus fere, cum vellet deus repropitiari sanctis suis, & ecclesiam suam tranquilla pacis soliditate stabilire, Christianus effectus, licentiã dat Christianis cõcilia libere cõgregare, & ædificare ecclesias, quas & ipse plurimas cõstituerat, & plurima largitur, diuino cõmonitus spiritu, & hoc cælesti miraculo: Cum esset pugnaturus cõtra Maxentium vrbis Romę tyrannum, & inde diuinum auxilium deprecaretur, vidit nocte per soporem signum igneum in cælo, & astare angelum dicentem: Cõstantine, in hoc signo vinces. Itaq; cū hoc signo in militaria vexilla transformato procedit ad bellum, idemq; signum ex auro fabrefactum dextera manu sua gestans, & deprecans deum, vt si fieri posset, illam dexteram suã nõ sineret Romano sanguine maculari præstatq; ei deus, Maxentiumq; tyrannum cõgredi parantẽ, cum vniuersis nauibus quibus fluuiũ strauerat, demergit in profundũ. Tunc Senatus populusq; Ro-